



Inatsisartunut ilaasortaq Sara Olsvig, Inuit Ataqatigiit
c/o Inatsisartut Allattoqarfiat

§ 37-imut tunngatillugu apeqqummut nr. 208-mut akissut

Oktobarip 20-anni 2013 Naalakkersuisunut ima apeqquqarputit:

Apeqquq:

- 1) “Uranimik pīaaaneq avammullu annissuineq pillugu nalunaarusiaq”-mi atuarneqarsinnaavoq Det Internationale Atomenergiagenturip atomip nukinganik pissuteqartumik ajutoortoqartillugu imaluunniit radiologiikkut ajornartorsiortoqalersillugu ikiuunnissaq pillugu isumaqatigiissutaa” “atomimik pissuteqartumik ajutoortoqarnerani imaluunniit radiologiikkut ajornartorsiulersoqartillugu nunat tamalaat akornanni sukkasuumik ataqatigiissaarluakkamillu suleqatigiinnissaannut najoqqutassiornissaq”-mik siunertaqartoq Kalaallit Nunaannut (Savalimmiunullu) atortinneqanngitsoq. Nunarsuup ilaani atomip nukinganik pissuteqartumik Kalaallit Nunaannik sunniisumik arlaanni ajutoortoqassatillugu pisariaqartitsineq naapertorlugu Kalaallit Nunaata ikiorneqarnissaa massakkut qanoq qulakkeersimaneqarpa?
- 2) “Det Internationale Atomenergiagenturip atomip nukinganik pissuteqartumik ajutoortoqartillugu imaluunniit radiologiikkut ajornartorsiortoqalersillugu ikiuunnissaq pillugu isumaqatigiissutaata Danmarkimut atortussanngortitaanera pillugu inatsit”-sip Kunngip peqqussusiortoqarneratigut isumaqatigiissut aamma Kalaallit Nunaannut atortinneqaleqqullugu Naalakkersuisut danskit naalakkersuisuinut saaffiginnissuteqalersaarpat?

1-imut tunngatillugu)

Nunarsuaq tamakkerlugu pīmasaqaatinut uranimik pīaanermut avammullu nioqquteqarnermi atuuttunut, nalunaarummi qitiutinneqartuni, urani uranisornerlu pillugit pissutsit piviusut naatsumik oqaatigalugit – uranimik pīaanermut atatillugu nunarsuaq tamakkerlugu maleruagassat – nunani allani misilittakkat, qallunaat kalaallillu inatsisaat atuuttut maleruagassallu, kiisalu pisortat suliassaannik nukinnillu atuinissamik naliliinermik imaqartut, uranimik pīaanermut avammullu nioqquteqarnermut atatillugu naatsorsuutigineqarsinnaasut, nassuiarneqarput.

Qinngornerit ulorianartut pillugit isumannaallisaaneq, qinngornernut ulorianartunut illersuinermit tunngasoq, atomimik ajutoorsinnaanermut isumannaallisaanermut upalungaarsimanermullu tunngatillugu, qallunaat naalakkersuisuisa Namminersorlutillu Oqartussat, immikkoortumut atomimik ajutoorsinnaanermut isumannaallisaanermut tunngatillugu, Namminersorlutik Oqartussat inatsisaanni § 4 naapertorlugu, Namminersorlutik Oqartussat Kalaallit Nunaata atomimik ajutoorsinnaanermut isumannaallisaaneq, uranimik imal. thoriumimik saffiugassaralimmik pīaanermut tamatumunngalu atatillugu sulia-

14. november 2013
Sagsnr. 2013-092218
Dok. Nr. 1391581

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

nut tunngatillugu piginnaatitaaffeqarnissaa pillugu isumaqatigiissuteqarnissaat, nalunaarusiami siunnersuutaavoq. Immikkoortumi qinngornernut ulorianartunut illersuiner-mut tunngasumi, Qallunaat Nunaanni peqqissutsimut ministereqarfiup akisussaaffeqar-fianut ilaasumi, qallunaat kalallilu peqqinnissakkut oqartussaasuisa, immikkoortup ta-matuma Kalaallit Nunaanni inatsisitigut maleruagassiuunneqarnissaata ingerlanis-saatalu, siunissami qanoq aaqqissuunneqarsinnaanera suleqatigiissutigaa. Atomimik ajutoorsinnaanermut upalungaarsimaneq naalagaaffeqatigiinnerup iluani ataatsimoorul-lugu susassaqarfiummat, Kalaallit Nunaanni atomimik ajutoorsinnaanermut upalungaar-simaneq pingaarneq, qallunaat inatsisaannik tunngaviusumik maleruagassaqarpoq. Upalungaarsimanermut tunngatillugu sammivinnut tamatumunngalu attuumassuteqar-tunut allanut, aatsitassat pillugit inatsit nalinginnaasumik tunngaviuvoq.

Det Internationale Atomenergiagentur (IAEA) atomimut tunngassutillit iluanni, kattuffiit nalinginnaasumik akuerisanik maleruagassiusut pitsaassusiliisullu pingaarnersaraat. Kattuffik nunarsuaq tamakkerlugu isumaqatigiissutinut pingaarnernut inatsisitigullu isumaqatigiissutinut allanut tunngasunut, qularnaveeqqusiisutut oqartussaasutullu inissisimavoq. IAEA isumannaallisaanermi nakkutilliissummut akisussaasuvoq. Uranimik paaanermi avammullu nioqquteqarnermi kiisalu ilaatigut qinngornernut ulorianaatilinnut tamatumunngalu atatillugu isumannaallisaanermi, pitsaassutsit akuerisaasut naapertorlugit assartuiner-mut tunngasunut immikkoortuni tamani, iliuuseqarnernik angusanillu nakkutilliiner-mut tunngatillugu pingaaruteqarluinnartuulluni.

Qallunaat Nunaat, taamaasillunilu aamma Kalaallit Nunaat, IAEA-mut ilaasortaanermikkut, nunarsuaq tamakkerlugu piumasaqaatinik atomimik akulinnik isumannaatsumik isumaginnissinnaanermik eqquutsitsinissamik qulakkeerisussaapput. IAEA-p EURATOM-illu isumaqatigiissutaat, EU-mi nunanit ataasiakkaanit, uran ulorianartunillu qinngornillit allat pillugit nakkutilliineq, nalinginnaasumik naalagaaffinnit isumagineqartartoq, - IAEA-mut nalunaaruteqarneq tunngavigalugu - pisussaaffiup EURATOM-imit isumagineqarnissaanik nassataqarpoq. Tamatuma peqatigisaanik EURATOM-ip nakkutilliiner-mut atatillugu misissuinissat pillugit IAEA suleqatigaa. EURATOM arlalinnik isumagisassaqarpoq, aatsitassat, suliaralugit allanngortinneqartut aggulunneqarsinnaasullu immikkut ittut, atuisut oqaatigisaannit allaanerusunut atorneqannginnissaannik qulakkeerinissaq pillugu qitiulluinnartumik akisussaaffeqarluni. Taamaasillutik qallunaat IAEA-mut nalunaaruteqarnissaannut piumasaqaatit, EURATOM, EU-p iluani nakkutilliiner-mik suliaqartortaaq aqutugalugu isumagineqarput.

Kalaallit Nunaat EURATOM-imut ilaasortaanngimmat, Naalagaaffeqatigiit nalunaarnissamut - Qallunaat Nunaannut tunngatillugu - ullumikkut EURATOM aqutugalugu pisartumut, periutsimik IAEA-mut nalunaarnissamut qulakkeerisumik pilersitsinissat pisariaqassaaq. Kalaallit EURATOM-imut ilaasortaalissagaluar-pata, inatsisitigut politikkikkullu pissutsit arlallit isumaliutiginissat piumasaqaataassaaq.


Atomimik ajutoortoqarpat ikiorsiinissaq (Qallunaat Nunaata nunarsuarmi atomimik aju-toortoqartillugu ikiorsiinissaq pillugu politikkikkut suliniaqatigiiffiup isumaqatigiissutaan-ut inatsimmut akuersinera naapertorlugu (Inatsit nr. 464 17/06/2008-meersoq)), nunarsuaq tamakkerlugu pilertortumik, aaqqissuulluakkamik ataqatigiissaarluakkamillu toqqammavissiiinissaq, isumaqatigiissummi siunertaavoq. Ikiorserneqartariaqalerner-mi Naalagaaffiit isumaqatigiissusiortut IAEA-mut isumaqatigiissuteqartitsisuusumut, nukiit tunniunneqarsinnaasut nalunaarutigissavaat. Isumaqatigiissusiorumasunut piumasaqaatit aalajangersimasut toqqammavigalugit ikiorsiisoqasaaq.

Atomimik ajutoorsinnaanermut upalungaarsimaneq qallunaat naalagaaffiannit akisussaaffigineqarmat, nunatsinni ataatsimut upalungaarsimaneq, qallunaat naalagaaffiannit akisussaaffigineqarpoq. Atomimik ajutoortoqarpat nukiit pisariaqartitat neqeroorutaa-sinnaasut nalunaarutiginnissaat, ullumikkut qallunaat susassaqarfigaat.

2-mut tunngatillugu)

Kalaallit Nunaata soqutigisai pitsaanerpaamik qulakkeerniarlugit, suleqatigiinnissamik pisariaqartitsineq Naalakkersuisut nalilersuiffiguarpaat. Tamatumunnga assersuutitut taaneqarsinnaavoq apeqqummut 1-imut akissummi oqaatigineqartutut, qinngornernut ulorianartunut isumannaallisaanermut tunngasut tassaasut, qinngornernut ulorianartunut illersuineq, atomimik ajutoorsinnaanermut isumannaallisaaneq upalungaarsimanerlu, nalunaarusiami qallunaat naalakkersuisunit nunatsinnilu Naalakkersuisunit siunnersuutigineqartoq, immikkoortumut atomimik ajutoorsinnaanermut isumannaallisaanermut tunngatillugu, Namminersorlutik Oqartussat Inatsisaanni § 4 naapertorlugu isumaqatigiissu-siortoqassasoq, soorlu aamma Qallunaat Nunaanni Kalaallit Nunaannilu peqqinnissaq pillugu oqartussat, Kalaallit Nunaanni immikkoortup qinngornernut ulorianartunut illersuinerup malittarisassiuullugu ingerlatsinikkut isumaginissaata qanoq isilluni siunissami nunatsinni aaqqissuunneqarsinnaanissaa suleqatigiissutigigaat.

Inussiarnersumik inuulluaqqusillunga



Steen Lyngge